



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 27. Quid præterea notandum sit circa applicationem Missæ.

urn:nbn:de:hbz:466:1-42624

melius est, quòd maturius aliquid participant de fructu Missæ: & quotidie dividendo partem fructûs in singulos, in fine omnibus solutum est, quantum debetur: quod maximè valet, si vera est aliquorum sententia, de qua n. 47., quòd Missa pro multis oblata tam profit singulis, quàm oblata pro uno. *Rayn.* tamen in *Heter. spirit.* Tom. 15. p. 2. f. 3. pu. 3. n. 50. non probat hoc fieri.

211. Q. 27. *Quid præterea sit notandum circa applicationem Missæ.* R. seqq. §. 1. Quando aliquis applicavit ad unum finem, & postea immemor illius applicationis applicat ad alium, multi dicunt posteriorem applicationem semper prævalere, uti ultimum testamentum prævalet omnibus: E contra *Tamb.* dicit priorem valere, quia illâ positâ Deus jam acceptavit Missam ad illum finem. *Pasq.* q. 172. probabilius dicit attendendum esse ad causam seu motivum posterioris applicationis, si enim nulla sit specialis causa ultimæ applicationis ponendæ & primæ mutandæ, prævalet prior, quòd autem prius testamentum nunquam prævaleat, est ex dispositione juris positivi, & quia testamentum non censetur firmari, nisi morte testantis. Si autem adsit specialis causa, valet posterior, quia voluntate interpretativâ revocat priorem, neque Deus absolutè acceptârat, sed sub conditione, si non revocaretur, maximè cùm Deus prævideat, quandonam sit aliquis revocaturus. In praxi autem ille, cui casus contigisset, certus esse potest, quòd pro uno ex illis finibus satisfecerit, hinc secundam Missam offerat pro eo, qui non participavit primam.

212. §. 2. Quando aliquis voluit primam applica-

catio:

ationem valere, etiam si postea alio modo applicaret, si postea aliter applicet memor prioris applicationis, volensque ei derogare, posterior valet, quia revocatur prior voluntas. Si applicet immemor prioris applicationis, prior valet, quia prior voluntas derogavit posteriori applicationi. Si applicet memor quidem prioris applicationis, sed nolens ei derogare, *Tamb.* dicit neutram applicationem valere, è contrà *Pasq.* q. 171. probabilius dicit valere æqualiter ad utrumque finem, minùs tamen, quàm si ad unum tantum esset facta.

§. 3. Missa potest gradatim pro pluribus applicari, v. g. ut si non profit huic, profit isti; si quantum obligor acceperit Titius, reliquum habeat Cajus &c. *Pasq.* q. 173.

§. 4. Si Superiores Ordinum, qui legunt pro stipendio, præcipiant Missas, tenentur subditi eas legere ad eorum intentionem, *Pasq.* q. 176. 178. Attamen nimis durum videretur, si de septimana nequidem unicam Missam relinquerent subditis liberam, nisi aliter non posset subveniri necessitati Monasterii, *Pasq.* q. 179. Potestque etiam Episcopus Sacerdotibus sæcularibus imponere applicationem Missarum, si sit causa & necessitas publica urgens, *Pasq.* q. 180. Et ut Missa profit, sufficit applicatio Superioris, si non contradicat subditus: E contra si Superior applicet contra voluntatem subditi, prævalet subditi applicatio, etiam si esset contra obedientiam, charitatem vel etiam justitiam, *Duran.* *Suar.* alique plurimi cum *Pasq.* q. 183. & *Rayn.* suprà s. 2. p. 2. n. 8. contra *Scot.* & alios: vide dicenda n. 1335.

§. 5. Si Sacerdos offerat pro illo, qui petit offerri,

offerri, hic non potest applicare alteri, attamen posset, si peteret offerri ad suam intentionem, *Pasq.* q. 185. Dixi autem n. 175. non teneri Sacerdotem applicare pro unoquoque, qui petit vel optat sibi applicari.

216. §. 6. Si putasti stipendium tibi prius à Titio solvendum, ideoque crastinæ Missæ applicationem, quam antea feceras pro Cajo, postea facis pro Titio, qui tamen tibi prius non solvat, *Pasq.* q. 187. putat hanc posteriorem applicationem esse irritam & manere primam factam pro Cajo, quia errantis nullus est consensus. Sed oppositum videtur probabile, nam applicasti Titio, non sub conditione, si prius solveret, sed quia erat spes, ut prius solveret, in quo non fuit error, quòd autem non sequatur res, non ideo tollitur valor applicationis, sicuti si mihi conferas Beneficium ex spe remunerationis, licet remuneratio non sequatur, non ideo invalida est collatio. Hoc tamen videtur verum, quòd quando applicas alicui Missam putans te accepturum stipendium ab eo, si non es accepturus, applicatio sit nulla, quia videris ei voluisse applicare sub conditione, si esses ab eo stipendium accepturus, quia non voluisti pro eo gratis legere, ergo Deus videns te non accepturum, etiam non acceptavit Missam pro illo. Denique rectè docet *Rayn.* suprà l. 3. pu. 4. n. 40. si per errorem Missas offeras pro aliquo tanquam mortuo, qui tamen vivat, vel contrà, æqualiter prodesse secundum fructum, qui vivo aut mortuo potest competere, quia Deus eum confert pro exigentia necessitatis secundum interpretativam tuam intentionem.

217. §. 7. Si dubites de posteriore applicatione
con-

contraria, censendum est mansisse priorem, quæ in possessione erat, hinc censere potes te celebrasse secundum hanc, *Pasq. q. 187.*

§. 8. Obligatus applicare Missam, non liberatur, si applicarit secundum opinionem, quam putabat certam, si re ipsa sit incerta, quia obligationi certæ non satisfit per solutionem dubiam; neque probabile est, quod applicatio Missæ incerta extinguat obligationem certam, *Pasq. q. 184.*

§. 9. Neomystra in Ordinatione consecrans cum Episcopo, secundum *Pasq. q. 170.* non potest applicare illam Missam, nisi secundum intentionem Episcopi, quia Episcopus est primarius celebrans: secundum *Merat. & Gob. t. 3. n. 117.* potest æquè ac si solus celebraret, quamvis enim non sit primarius celebrans, revera tamen etiam ipse celebrat, neque ulla ratio est, cur non possit discordare ab applicatione Episcopi.

§. 10. Possum Missam applicare pro illo, quem scio de facto velle à me petere Missas, quamvis necdum petierit. Excipe, nisi scirem, velle petere pro aliquo effectu, ad quem necdum juvaret Sacrificium, *Pasq. q. 167. Sylvius in append. ad 2. p. Resol. Orat. 2. concl. 2. & seqq.*

§. 11. Valet applicatio facta pro eo, pro quo Deus vult applicari, *Scot. Suar. & alii communiter cum Pasq. q. 169.* contra *Tamb. & alios*, qui negant, eò quod putent Deum non velle applicare, sed hoc relinquere homini: verum in rigore Deus non applicat, sed tantum acceptat applicationem hominis secundum beneplacitum Dei factam.

An vivens validè applicet Missas pro se mor-

tuo legendas, dicetur n. 1334. Cui autem proficit fructus applicatus alicui, qui illius est incapax, vel non indiget, dicetur n. 1330.

222. Q. 28. *An satisfaciatur, qui celebrat pro illo, quem Deus novit primò daturum stipendium R.* Affirmant Pelliz. Diana p. 11. t. 2. R. 15. Burgh. cent. 2. Casu 98. Rayn. suprà f. 3. pu. 3. n. 40. aliique multi, quos relierunt Mendo d. 13. q. 7. & Aversa q. 11. f. 18. §. Sextò, quia cum apud Deum omnia sint præsentia, intentio illa in præcognitione Dei est absoluta, & Missa æquè proderit sic applicata, quàm aliter post datum stipendium: unde sicuti Sacellanus obligatus ad sex Missas intrà 20. dies, satisfacit, si legat illas intrà dies sex, ita hic poterit fieri anticipatio. Castrop. t. 22. p. 6. Lugo De poen. d. 13. n. 137. & alii dicunt talem applicationem esse validam sed illicitam, quia ita fieri prohibuit Clemens VIII., cuius decretum postea promulgavit Pius V. die 15. Nov. 1605., uti refert Bassaeus in Morali V. Missa 4. n. 4. Hinc dicendum est cum communi apud Gob. n. 169. & 609. Pasq. q. 168. Aversa suprà semper illicitè, & sæpe etiam invalidè fieri talem applicationem, quia cum Missa consistat in actione transeunte, si non profit, quando fit, fructus ejus reponitur in thesauro Ecclesiæ, communiter autem non posset prodesse, quando fit, quia illo tempore necdum existit intentio petentis; imò nec sæpe motivum vel causa petendi; vel quandoque ille, pro quo petitur, esset in peccato, & incapax gratiæ: opposita omnia sunt in Sacellano, de quo Burgh. Admittunt tamen Vasq. Rayn. Aversa posse Missam legi pro actualiter defuncto, pro quo postea primò petetur Missa oblato stipendio, quia sic utiliter

liter
indi

R
dec
lis c
Kon
dra
con
secu
cho
fini
inc
ruc
pri
trib
Lug
Lag
mi
no
(fi
eti
vit
tur
co
I
tib
di
po
qu